

Улан шугъу — олон дунд кегдэг политическ көдлмшин баярн

Притненск району «40 лет ВЛКСМ» совхозин механизатормуд, малчир, көдлмшчир, интеллигент дунд Улан шугъу ик көдлмш кенә. Аскан болгън эн шугъуд олон улс хурцхана. Улан шугъу цевр-цер, дотрок оборудованьснь күцц, сән, лозунгсар, плакатмудар, зургудар кеерүлгддж. Столмуд деер уята газетмуд журналмуд даньгин баяцханә. Селә-ә эдл-ахун дамшлтин туск дегтрмуд КПСС-н XXI хургин материалмуд матр, дөөв бас баяцханә.

1959—1965 джилмүдт СССР-н олон амтнә эдл-ахун делгрлтин зурагъар болн совхозин долан джилә зурагъар кегдсн стенде ке-саяхнар кегддж.

Революционн ик сән өдрмүдин өмн фото зургудар монтаж кегднә.

Улан шугъуд Күндлгәнә Доск баянә. Производствин түрүн нүүрт йовачирин нерд энүнд орулгдна. Улгүрн, хөд өсклгәнәд күч-көлснә турмдж үзүлцхәсн Социалистическ Күч-көлснә Героймуд А. Ф. Долотин болн Н. И. Реусин, орден зүүгъач А. П. Бердниковин болн нань чигн нүүрлгч улсин нерд болн зургуд Күндлгәнә Доскд орулгдла. Теднлә зергләд хуц болгънас 10 килограмм ноос киргъдж авсн ах хөөч Александра Литвинован, «ДТ—54» тракторар 9 сарин эргид 1819 гектар газр хагълад, 1640 килограмм горюч арвлсн тракторист В. Н. Лахнон, зун хөн болгънас 122 хургъ менд авсн ах хөөч М. О. Пластамакин, өдрә даалгъван 200 процент күргдж күцадг слесарь А. Ф. Смушко болн нань чигн улсин зургуд бас баяцханә.

Художественн самодеятельность Улан шугъуд дару-дарунь нар-наад гаргъцхана. Эн джилин 11 сарин туршарт цуг бийн 18 концерт болн пьес тавгдв.

Улан шугъуд политическ болн селәнә эдл-ахун темәр лекце, күр-кү-үндвр тасрхан уга кегднә. Улгүрн, партийн организацин сегләтр үр

И. Ф. Камышов «КПСС-н XXI хург болн малас гардг эдл-уш гаргългъ икдүллгъар совхозин күцах төрмүд», «Совхозин көдләчир долан джилә зуран түрүн джилин даалгъвр күцахин төлә ноолданд» гидг темсар лекце умшв.

Совхозин зоотехник Н. Г. Фариннов «Олон амтнә эдл-ахун торгън нооста хөд өсклгәнә чинрин тускар», малин эмч Г. Б. Грибова «Гарг гем болн терүнлә ноолдлгън», «Малин туулвр гемиг урдаснь хөрхин тускар» болн нань чигн темәр докладмуд кецханә.

Совхозин ах хөөч Б. Б. Антаканов «Увләр хөд хургълуллгън болн терүнә экономическ чинрин тускар», ах хөөч Пластамак «Хөөнә хургъд гарснә авн экәснь салгъх күртлн ыгъдж асрхин тускар» хөөчир дунд күүндвр кецхав.

Эн Улан шугъу (заведующнә үр Светлана Кресталева) совхозин көдлмшчир дунд культури, цаалгъври болн сергмджин көдлмш саянар кесн учрар совхоз эдл-ахун халхар эн джил сән күцлтс барв.

Улгүрн, 1-ч фермин хөөчир (залачнә КПСС-н член И. Я. Макаров) ноос киргъдж авлгъна джилә зурагъан 100 процент, 2-ч фермин хөөчир (залачнә коммунист Б. Л. Бальджиков) эврәнн даалгъван 105 процент күцав.

Эн, 1-ч фермин хөөчир хөөдән әрүл-менд халәдж хадгъллгъар ик көдлмш кецхав. Фермин хөөдин гарунь 11 сарин эргид зуг 0,9 процент болв, дакад хөөдн сән чинатагъар үвлзлгънд орв. Совхозин ах хөөчир М. Д. Унков, К. Жукова, А. Литвинова, П. Ключко халәджәсн хөөдән амрсн гару угагъар хадгълцхав.

Совхозин кесг олон малчир, төсхачир болн механизатормуд КПСС-н ЦК-н декабрьск Пленум уктдж шунмгъагъар көдлснә ашд үвлд белдлгън совхозд саянар күцагдв: цуг кошармуд, хөөчир баях гермүд цагларн ясдж белдгдв, малд өгх өвсн күццдән үвлзнгүри зөөдж авгдв.

П. МАЛЫХ.